



# ШЫН

## НИИТИЛЕЛ-ПОЛИТИКТИГ СОЛУН

1925 чылдың  
август 31-де үнүп  
эгепээн

№ 25 (16799)

2004 чылдың  
ФЕВРАЛЬ 19,  
четверг

Номерни парлалгаже  
дужааганы:  
график езугаар — 21.00,  
херек кырында — 19.00.  
Садар өртээ 3 рубль.

### МОСКВА ХООРАЙНЫҢ МЭРИ Ю.М.ЛУЖКОВКА

Хүндүлүг Юрий Михайлович!  
Москваның Трансвааль-паркка болган халапты хөй националдыг тыва чон улуг кажыдал-биле дынадывчы.  
Тыва Республиканың бүгү чонунуң өмүнээзинден өлген кижилерниң өг-бүлелеринге, качыгдаан бүгү улуска ханы кажыдалды илередирин чөпшээрер көрүңер.  
Тыва Республиканың Чазааның Даргазы Ш.ООРЖАК.

### Чылы-биле сактып чоруур

Бо хүннерде республикада билдингир культура ажылдакчызы Батый Кенеш 60 харлаан юбилейин демдеглеп турар. Ол хөй-хөй солун, чараш ырларны чогааткан болгаш оларны боду ырлап, чонга негтередир талазы-биле хөй чүүлдерни кылган. Юбилейге Тыва Республиканың Чазак Даргазы Ш. Д. Ооржак байыр чедирип, дараазында чылыг сестерни аңаа дамчыткан:

“Хүндүлүг Батый Монгушевчи! Онзагай юбилейни демдегледип турар Силерге изиг байырым чедирип тур мен. Ава-ачарның ачызында ыры, аялга деп чүүлдерни бичиинерден шингээди-дип алгаш, бүдүн Тывага билдингир ыраажы, хөгжүмчү апарган болгай силер. Төрөөн суурунар, кожуунунар адын республика көрүлделеринге та чеже удаа камгалаан силер. Ыры сестери, аялгалар чогаадырынар база денди болгай.

Уран чүүлдөн аңгыда, спортка хандыкшылыңарның тевибиле Тывага самбо хүрештин эгезин салып, ооң бирги чемпионанын организаастап эрттиргенини утпаан бис. “Хүреш” агиткультбригаданы тургускаш, республиканың кожуун-суурларын эргип-кезип, уран талантыңарны чонга бараалгадып

чорааныңарны чонунар чылыбиле сактып чоруур.

Тываның уран чүүлүн, спорт, культуразын сайзырадырыңа Силерниң киирген үлүг-хуунар дыка улуг. Силерниң культурага киирген үлүүдерни күрүнө бедибиле үнелеп, Россияның болгаш Тываның культуразының алдарлыг ажылдакчызы деп аттарны тывыскан. Иденкейлиг амыдыралчы туруштут болгаш Тываның композиторлар, чогаалчылар эвилелдериниң база Россияның журналистер эвилелиниң кежигүнү болгай силер.

Хүндүлүг Батый Монгушевчи! Төрүттүңгөн хүндүр-биле чуректин ханызыңдан байырым чедирбишаан, Силерге болгаш өг-бүлөңерге, чоок кижилеринерге аас-кежикти, каң кадыкты, буянчолду күзедим. Бүгү-ле чүүлдөргө чедишикиниң болуңар!”

### Улуг Хуралдың Төлээлекчилер палатазында

## БЮДЖЕТ ХООЙЛУЗУН ЧҮҮЛДҮГЗҮНГЕН

ТР-ниң Улуг Хуралының Төлээлекчилер палатазының он бирги хуралы февраль 17-де болуп эрткен. Орта он чеди айтырыгны чугаалашкан.

“2004 чылда ТР-ниң социал-экономиктиг-хөгжүлдезиниң баш бурунгаар тодарадылганы дугайында” илеткелди ТР-ниң Экономика сайыдының хүлээлгезин күсседип турар С.Н.Сапова хуралга кылган. 2003 чылда республиканың социал-экономиктиг хөгжүлдезиниң бердингген даалгалары багай эвес күсеттингени ол депутаттарга дыңнаткаш, 2004 чылда боттандылар ажыл-херектиң сан-чурагайларынга доктааган. Девискээрннң ниити продуктузу — 15,2 хуу, үлетпүрүнүң — 17,6, көдээ ажыл-агыйның—10,3 хуу өзериң, инвестицияның хемчээли 850 млн. рубльге тодараттыңганын чугаалаан.

Төлээлекчилер палатазының комитет даргазы Р.М. Соян сөс алгаш, бо айтырыгны комитеттерге хынамчалыг сайгаргаш, чүүлдүгзүңгенин дыңнаткаш, деткирин депутаттардан дилээн. Чугаалашкан айтырыг талазы-биле доктаалды хурал хүлээп алган, ында документни чүүлдүгзүңгенин, Чазак Даргазы ат салыры-биле ону чорударын айтырган.

“2004 чылда ТР-ниң республика бюджетиниң дугайында” ТР-ниң Хойлузунуң талазы-биле

чүүлдүгзүңгөн.

Улуг Хуралдың Хойлузунуң палатазынга хүлээп алган “2004 чылда республика бюджетиниң дугайында” Хойлузунуң Төлээлекчилер палатазының хуралы чугаалашкаш, ону чүүлдүгзүңгөн деткээни доктаалды хүлээп алган.

ТР-ниң Улуг Хуралының Төлээлекчилер палатазының Даргазы Д.К.Х. Ооржак сөс алгаш, Тываның кол саң-хөө Хойлузу бир демниг кады ажылдакчыларның түңнелинде хүлээп алдыңган, ону сайгарып кылырынга иденкейлиг киришкен Чазак кежигүннеринге өөрүп четтиргенин илереткен.

Бюджетке хамаарышкан айтырыгларны шийттирлээринге бот-боттарын билчип, чаңгыс аай турушту илереткени дээш депутаттарга улуу-биле четтиргени ТР-ниң Чазак Даргазының бирги оралакчызы А.В. Брокерт чугаазыңа айтырган. Бо чугула документни амыдыралга боттандылар дээш болдунар-ла хемчеглерни ап, демнежип ажылдаарын ол чугулага көргөн.

Хүн чурумунда кирген еске-даа айтырыгларны хуралга чугаалашкаш, чогуур доктаалдарны хүлээп алган.

Таан-оол ХЕРТЕК.

### Редакцияга ужуражылгалар

## НУГУЛДЕ НУУР ЧОК



Чоокта чаа бистин корреспондентивис Тываның хоочун юристериниң бирээзи Ч.Т. Донгак-биле ужурашкан. Ол Свердловскиниң юридиктиг институтун дооскан. Юстицияның полковниги. Эки ажылы дээш орден-медалдар-биле шаңнаткан. Оларның чамдызы бо: “Төрөөн чуртунуң мурунуга ачы-хавыязы дээш” орденниң ийги чергезиниң медалы, “Иштики херектер шугумунга үрө-түңнелдиг ажылы дээш” медалы бир, ийи, үш дугаар чергелери, Россия Федерациязының Иштики херектер яамызының тергини демдээ база “Күш-ажылдың хоочуну” медаль. 2003 чылда чаа шаңналдар немешкен: “Тыва Республиканың алдарлыг ажылдакчызы” хүндүлүг ат база Иштики херектер яамызының юбилейлиг медалы.

ажылдаары берге. Тывада херезжен полковниктер дерт кижжи бис. Менден аңгыда Нина Анатольевна Воробьева, Раиса Дмитриевна Нугис, Любовь Александровна Черногирова олар бар. Эрткен чылдан бээр Тываның Чазак Даргазының судтар-биле ажылдаар бүрүн эргелиг төлээзи бооп ажылдай бердим. Бир яныз политика-биле хол-баалыг, харысалгазы кончуг улуг ажыл.

— Чамдык солун, сеткүүлдерде улуг-даа даргаларывысты, бөдүүн-даа ажылдакчыларны бо-ла дорамчылап бижип каан болур-дур. Бо талазы-биле чүнү бодал турар силер?

— Үндезин-барымдаа чок черге, шинзыдыштар фактылар чокта кандыг-даа кижини — албан-дужаал эдилээн дарга-бошканы-даа, аңаа бөдүүн кара-чал-даа кижини массалыг информация чөпсектеринге карартыр бижири шын эвес. Чурттуң Конституциязы хамааты кижиниң ат-алдарын, эргелерин камгалап турар. Ынчалзажок чуртталга-выста нарын, хөлөгеленчек айтырыглар-ла хөй болгай: аныктарның ортузунда ажыл чок чорук, арагалаашкын, ылангыя херезжен чонувус аразында, оор-сук, наркомания дээш, оон-даа өске. Бо бүгү чүүлдерни, ажылдың ук адырынга хожу-

(Улагчызы 4-кү арында).

### АВТОРЛАРНЫҢ КИЧЭЭНГЕЙИНГЕ!

Чагааларны 5 арындан ашпас кылдыр парлаар.

Авторлар фамилиязын, адын, адазының адын, ажылдап турар черин, албан-дужаалын, ажылдаар черинде база чурттап турар бажыңында телефоннарын айтыр.

Почта индексин, бажыңыңар адресин, паспортта медээлерни: сериязы, дугаары, коду (каая, кажан бергенин), кажан, каая киир бижиткенил (хүнү, айы, чылы), төрүттүңгөн хүндүңерни (хүнү, айы, чылы), каая төрүттүңгөніңерни (суму, кожууну) айтыр.

Пенсия фондузунда камгаладылга херечилелиниң дугаарын, а ол ышкаш үндүрүг төлекчизиниң хууда дугаарын (ИНН) чурттап турар черинерниң аайы-биле үндүрүг черлеринден кылдыртып алырын утпаңар.

Үстүңде айыткан медээлерни айытпаан авторларга гонорар санавас. Бо медээлерни ТР-ниң Пенсия фондузунче, Кызыл хоорайның үндүрүг инспекциязынче бээринге херектеш турар.

Тыва Республиканың Черге болгаш өңчүге хамаарылгалар яамызы “Кызыл хоорайның Южный микрорайонунда чунар-бажың-сауна, хөп чуур чер” объекттининг тудуу доозулганы-биле ону хандылар болгаш ажылгалын чорудар юридиктиг албан черлеринге болгаш хуу кижилерниң аразыңа конкурсту 2004 чылдың март 19-та эрттирер.

Ол объектти ажылгаарының талазы-биле саналын киирген болгаш үезинде билдиришикини киирген юридиктиг албан черлери болгаш хуу кижилер конкурстка киржир эргелиг.

Конкурстун негелдизи-биле Тыва Республиканың Черге болгаш өңчүге хамаарылгалар яамызынга кээп таныжып ап болур. Турар чери: Кызыл хоорай, Московская, 2а, кабинет 105, 109.

Чагыларны үстүңде айыттыңган адреске 2004 чылдың март 18-ке чедир хүлээп алыр.

Тайылбыр бээр телефоннар: 8-40-31, 1-11-90, 1-11-93.













